

deccc

Das drit büch.




Lorsch.

In halb meil von Bensheim lige das alte closter Laurissa/ zu Teütsch Lorsch das der groß Keyser Carlen/ oder wie etlich meinen/ Pipinus gebawen hat. Vnd darein ward gestossen von Keyser Carlen der Herzog von Baiern Cassilo/ mit sampt seinem sun Theodone/ als er eydebrüchig was worden an gemeltem Keyser. Diß closter hatt gar ein alte Liberey gehabe/ der gleichen man im ganzen Teütsch land nit finden hat. Aber die alten bücher seind zum mehrer theil darauß verzuckt worden. Ich hab bücher darinn gesehen die soll Virgilius mitt eigner hand geschriben haben. Es ist ansecklich ein Benedictiner closter gewesen/ aber lang hernach seind Praelmonstratenser do hin kommen.

Lindensfeld.

Diß schloß vnd vogtey ist erkaufft worden im jar 1277. vmb 5030. marck sylbers/ ist vorhin gewesen des Marggrauen von Baden/ ligt in dem Odenwald. Woher es aber an Marggrauen zum ersten kommen sey/ hab ich nit gefunden.



Caub.

Im jar Christi 1289. hat Werner Herr zu Nünzenberg/ Caub mit seiner zugehörd vererkaufft herzog Ludwigem vñ 2100. marck sylbers. Ein marck sylbers auff acht gulden geschätzt. Vonn Keysero Lantern/ Odenheim/ Oppenheim vñ Ingelheim ist vorhin gesage bey der statt Lantern. Von Nentschheim vñ Tüssenheim findest du bey der statt Pfederheim. Item die statt Wachenheim/ Ogersheim/ Lambsheim vñ Odenheim hat Pfalzgraue feiderich dem Schwarzen Herzogen von Zweybrücken abgewunnen/ doch haben sie vorhin zu der Pfalz gehört. Also siehest du dz der Pfalz flächen gar nahe alle vmb bar gelt erkaufft seind. Ich laß hie anstehn was über dem Rhein gelegen ist/ als Germerßheim/ Neuwstatt/ Alzheim/ &c.

Gelnhausen.

Gelnhausen die statt ist vonn dem Reich an die grauen von Schwarzenberg kommen/ vñ der leyst graue Henrich von Schwarzenberg hat sie versetzt dem Pfalzgrauen vñ graue Reinharen von Hanaw/ im jar 1436.

Hirschhorn.

An finde das die herren von Hirschhorn vñ die Edlen von Nentschheim seind gewesen im jar Christi 996. zu Brunswig auff ein Turnier/ darauß man nimpt/ wie alte geschlächter die Hirschhorner vñ Nentschheimer seind.

Wospach.